

Kulturimut, Ilinniartitaanermut, Ilisimatusarnermut Ilageeqarnermullu Naalakkersuisoq
Landsstyremedlem for Kultur, Uddannelse, Forskning og Kirke

Inatsisartunut ilaasortaq
Palle Christiansen
Demokraterne

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisumit Nunatta atuarfiini atuartut ilinniartitsisullu atuanngitsoortarnerat pillugu inatsisartuni ilaasortaasup Palle Christiansenip apequtaanut allakkatigut akissuteqaat.

Apeqqut:

Nunami maani atuartut ilinniartitsisullu atuariartunngitsoortarneri qanoq annerutigaa?

Inatsisartut suleriaasissaani § 36 imm. 1 naapertorlugu meeqqat atuarfianni atuartut ilinniartitsisullu atuanngitsoortarnerat qanoq annertutiginersoq apeqqutigaat.

Apeqqutininut akissutitut oqaatigisinnaavara, meeqqanut atuarfik ingerlalluarnepaajusoq anguniassagatsigu. Atuartitaanerup ingerlannerani pitsaassusianut sunniutaasartut arlaqartut aamma isumaqatigaara, tassaniissallunilu atuartut ilinniartitsisulluunniit atuanngitsoortarnerat.

Ammattaaq oqaatigaat, tamanna kommunit ataaniittusoq, apeqqutigalugulu naalakkersuisoqarfik paasiniaanissaminut periarfissaqarneris.

Meeqqat atuarfiat pillugu Inatsisartut peqqussutaanni nr. 8, 21. maj 2002-imeersumi § 32 imm. 2 kiisalu meeqqat atuarfiat pillugu inatsisartut peqqussutaanni nr. 1, 6. juni 1997-imeersumi § 35 naapertorlugit, peqqussutit malillugit suliassaasut pisariaqartut suliarineqarnerisut pillugit Naalakkersuisut kommunalbestyrelsit paasiniaaffigisinnaavaat.

Pisortaqarfik maannakkorpiaq atuariartunngitsoortarnerit pillugit kisitsisaateqanngilaq, ilinniartitsisut atuartulluunniit pillugit, taamaattumillu KANUKOKA apeqquteqarfigaa, taakkununga kisitsisaateqarneris.

Atuartut ilinniartitsisullullu atuanngitsoortarneri siusinnerusukkut 1. juni Pisortaqarfimmut nalunaarutigineqartalarput. Kisitsisit kingullit pisortaqarfiup tigusai 1997/98-imut tunngasuupput, taavalu "Kalaallit Nunaanni Meeqqat Atuarfii"-ni tamanut saqqummiunneqartarlutik.

J.nr. 51.71/05-00027
012501/06xm KIIP-
00012
Dok nr. 150164
Dato 030306
Postboks 1029
3900 Nuuk
Oq/tel +299 34 50 00
Fax +299 32 20 73
Kiip@gh.gl
www.nanoq.gl/kiip

Tassani atuarneqarsinnaavoq, nuna tamakkerlugu ilinniartitsisut atu-
anngitsoortarneri katillugit 10,2 procentiusoq, taakkunannga napparsiman-
erit 5,4 procentiusoq takuneqarsinnaavoq, taavalu atuartut atu-
anngitsoortarneri 8,3 procentiulluni, 3,7 procentit napparsimanermik
peqquteqarlutik.

Atuanngitsoortarnerit tamanut nalunaarutigisannginnissaannut
peqqutaasoq tassaavoq, inuiaqatigiinni atuartut ilinniartitsisullu
kisiartaallutik nalunaarusiorneqartarneri, paasissutissallu taakku tamanit
pissarsiarne-qarsinnaallutik, kiisalu kommunit allaffissornermit oqilisarniar-
lugit, paasiniaasarnerit unitsinneqarlutik. Atuartut ilinniartitsisullu atu-
anngitsoortarnerannut akisussaaffik Naalakkersuisut taamaalillugu kom-
muninut ataasiakkaanut tunniutereerpaat.

Meeqqat atuarfianni atuartut atuartitaanerini pitsaassusermut tunngassute-
qartut allat tassaapput, siunertat, alloriarfimmi siunertat aammalu atu-
artitsissuti ataasiakkaani anguniakkat ilinniartitsiffiusullu ataasiakkaat ilik-
kagassaqarfiinik anguniakkat tunngavigalugit pilersaaruteqartarnissaat

Atuarfitsialaap ataani angajoqqaat, atuarfiup atuartullu akornanni atassute-
qatigiittarnerit atuarfimmi nalilii-serneq uppersaasiortanerlu pillugit
Namminersornerullutik Oqartussat nalunaarutaat nr. 3, 27. januar 2006-
imeersoq tunngavigalugu najoqutassiorneqarpoq. Tassani allassimavoq,
atuartitsinerup ingerlanneqarnerani atuartup pissarsiai ilaatigut
atorneqartassasut. Atuartitaanerup ingerlanneqarneranut paasissutissatut
piffissap ingerlanerani nalunaaquttap akunneri ilinniartitsiffiusut,
nalunaaquttap akunnerini atuartitsinerit najuuffiusut aammalu atuartup atu-
ariartortarneranut paasissutissanik minnerpaamik ilanngunneqassasut.

Atuartoq taasumalu angajoqqaavi/angajoqqaasutut oqartussaataasui taa-
malillutik atuarfinit immikkut ataasiakkaanit atuartut tamarmik immikkut
atuartitaanerisa pitsaassusianut paasissutissanik pissarsiniarsinnaapput.

Nalunaarutip mannakkorpiaq atuutilerana eqqarsaatigalugu, susas-
saqatigiit tamarmik, kommunit, atuarfiit pisortai, ilinniartitsisut kiisalu an-
gajoqqaat atuartullu piffissaqartinneqartariaqarput, nalunaarutip imaanik
atuutilersitsinermit kommuninit nalunaarsuisoqartarnissaa pisariaqarnerisooq
nalilersorlugu.

Ikinngutinnersumik inuulluaqqusillunga

Doris Jakobsen
Kultureqarnermut, Ilinniartitaanermut, Iisimatusarnermut Ilageeqarnermullu
Naalakkersuisooq